

T-11

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 132. sjednici, održanoj dana 03.12.2021. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice o Inicijativi za izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom poslanika u Skupštini Zeničko-dobojskog kantona Himze Smajića.

II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-16/00/21
Datum, 03.12.2021. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
 1x Stručna služba Skupštine
1x a/a.





ZENIČKO-DOBOJSKI KANTON
VLADA

N/r Sekretara
N/r Premijera

Broj: 09-02-13407-3/21
Zenica, 22.11.2021. godine

PREDMET: Mišljenje na poslaničku inicijativu poslanika u Skupštini Zeničko-dobojskog kantona Smajić Himze, daje se

Postupajući u skladu sa zaduženjem po aktu Stručne službe Vlade broj: 02-1-02-13407/21 od 05.10.2021.godine, u vezi dostavljanja mišljenja na poslaničku Inicijativu poslanika u Skupštini Zeničko-dobojskog kantona Smajić Himze, pokrenutu na 38. sjednici Skupštine Zeničko-dobojskog kantona, a u vezi sa iniciranjem donošenja Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl. novine Zeničko-dobojskog kantona,” broj: 13/07, 13/11, 3/15 i 2/16, u daljem tekstu: Zakon), nakon razmatranja dostavljene inicijative, Ministarstvo za rad, socijalnu politiku i izbjeglice daje sljedeće:

M i š l j e n j e

Predmetom inicijativom predlaže se donošenja Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, tako da se u važećem Zakonu, naziv Odjeljka C. u Poglavlju III. mijenja i glasi „Odjeljak C. Centar za djecu i odrasle osobe s posebnim potrebama” i da se izvrše izmijene članova 86. i 152. Zakona.

Izmjena članova 86. i 152. predlaže se na način da se sistemski riješi finansiranje JU Centra za djecu i odrasle osobe s posebnim potrebama Zeničko-dobojskog kantona, te da se način finansiranja rada ove javne ustanove definiše u omjeru 70% od strane Zeničko-dobojskog kantona, a 30% od strane svih općina/gradova sa područja Zeničko-dobojskog kantona. Također, Inicijativom se predlaže da se tačan iznos sufinansiranja od strane općina/gradova Zeničko-dobojskog kantona odredi na kraju svake tekuće godine za narednu godinu proporcionalno u odnosu na broj stanovnika prema objavljenim statističkim podacima, te da se tako utvrđeno finansiranje reguliše ugovorom između Vlade Zeničko-dobojskog kantona i općina/ gradova Zeničko-dobojskog kantona, a da Centar za djecu i odrasle osobe s posebnim potrebama kvartalno podnosi izvještaj o poslovanju Vladi i općinama/gradovima.

S obzirom da Centar za djecu i odrasle osobe s posebnim potrebama, koju je Zeničko-dobojski kanton osnovao Odlukom Skupštine Zeničko-dobojskog kantona („Sl. novine Zeničko-dobojskog kantona,” broj: 4/14) obavlja djelatnost od posebnom značaja za podsticanje razvoja i ranu intervenciju djece sa teškoćama u razvoju i za rehabilitaciju odraslih osoba sa posebnim potrebama Ministarstvo je stajališta da se pitanje načina finansiranja JU Centar za djecu i odrasle osobe s posebnim potrebama, treba precizirati i utvrditi Zakonom.

Obavezivanje općina/gradova na području Zeničko-dobojskog kantona u finansiranju se provodi u skladu sa Zakonom o principima lokalne samouprave u Federaciji Bosne i Hercegovine, što će Ministarstvo imati u vidu u postupku procedure donošenja izmjena kantonalnog propisa.

S obzirom na naprijed navedeni stav ovog ministarstva inicijativu smatramo opravdanom, posebno iz razloga što bi se na ovaj način sistemski uredilo finansiranje Ustanove koja je od posebnog značaja za oblast socijalne zaštite na području svih općina/gradova Zeničko-dobojskog kantona.

S poštovanjem,

Dostavljeno:

1x Naslov
1x a/a



Azra Sinanović

Obrađivač akta:

Dijana Dedić





SLUŽBENE NOVINE

ZENIČKO - - DOBOJSKOG KANTONA

Godina XII - Broj 13

ZENICA, Četvrtak, 26.07.2007.

SKUPŠTINA

158.

Na osnovu člana 37. stav (1) tačka (f) Ustava Zeničko-dobojskog kantona, Skupština Zeničko-dobojskog kantona na 8. sjednici održanoj dana 27.06.2007. godine, donosi:

ZAKON O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

DIO PRVI – OSNOVNE ODREDBE

Član 1.

Ovim zakonom bliže se uređuje: socijalna zaštita građana i njihovih porodica; korisnici prava iz socijalne zaštite i osnovna prava iz socijalne zaštite; uvjeti i postupak sticanja prava iz socijalne zaštite kao i iznosi novčanih i drugih davanja; osnivanje i rad ustanova socijalne zaštite; uvjeti, način i postupak ostvarivanja prava civilnih žrtava rata i članova njihovih porodica; uvjeti, način i postupak, organi i finansiranje prava porodice sa djecom; obilježavanje "Dječije nedjelje"; finansiranje prava iz socijalne zaštite, zaštite civilnih žrtava rata i zaštite porodice sa djecom; nadzor nad provođenjem zakona, kaznene odredbe i druga pitanja od značaja za ostvarivanje prava iz socijalne zaštite, zaštite civilnih žrtava rata i zaštite porodice sa djecom u Zeničko-dobojskom kantonu (u daljem tekstu: Kanton).

Član 2.

- (1) Ovaj zakon osigurava jednakost u pristupu i uživanju sadržanih prava.
- (2) Zakon zabranjuje bilo koji oblik diskriminacije, indirektna ili direktna, po bilo kojem osnovu kao što je rasa, spol, jezik, vjera, političko ili drugo mišljenje, nacionalno ili socijalno porijeklo, imovina, rođenje ili drugi status.
- (3) Djelatnost socijalne zaštite, zaštite civilnih žrtava rata i zaštite porodica sa djecom je od interesa za Kanton, kojom se osigurava i ostvaruje pomoć za podmirenje osnovnih životnih potreba socijalno ugroženih, nespo-

sobnih i drugih lica, koje one same ili uz pomoć članova porodice ne mogu zadovoljiti, zbog nepovoljnih ličnih, ekonomskih, socijalnih i drugih okolnosti.

Član 3.

- (1) Djelatnost socijalne zaštite, zaštite civilnih žrtava rata i zaštite porodice sa djecom obavljaju ustanove socijalne zaštite i općinska služba za upravu.
- (2) Ustanove socijalne zaštite imaju svojstvo pravnog lica.
- (3) Na osnivanje i rad ustanova socijalne zaštite primjenjuju se propisi o ustanovama, ako ovim zakonom nije drugačije određeno.
- (4) Djelatnost socijalne zaštite, zaštite civilnih žrtava rata i zaštite porodice sa djecom mogu obavljati i humanitarne organizacije, udruženja, vjerske zajednice i organizacije koje one osnivaju, građanin pojedinac i strana fizička ili pravna lica.

Član 4.

- (1) Porodicu, u smislu ovog zakona, čini: bračni drug, odnosno vanbračni drug, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, očuh, maćeha, djed i nena-baba (po ocu i majci) i braća i sestre bračnih drugova.
- (2) Članovi porodice civilne žrtve rata, u smislu ovog zakona, su: bračni drug, djeca (rođena u braku ili van braka, usvojena i pastorčad) - članovi uže porodice, te roditelji i usvojioci, očuh i maćeha - članovi šire porodice.
- (3) Članom porodice u smislu stava (2) ovog člana, smatra se vanbračni drug koji s civilnom žrtvom rata ima djecu i s njom živi, odnosno, živio je do njene smrti u zajedničkom domaćinstvu, najmanje godinu dana.
- (4) Zajedničko domaćinstvo, u smislu ovog zakona, je ekonomska zajednica jedne ili više porodica u kojoj zajednički stiču i troše novčana i druga materijalna sredstva, stečena radom i korištenjem zajedničkih materijalnih dobara (zemljište, zgrade i drugo).

Član 5.

- (1) Djetetom, u smislu ovog zakona, smatra se lice do 18 godina života.

Član 15.

(1) U članu 32. u stavu (1) tačka a) riječi „30,00 KM“ zamjenjuje se riječima „5% od prosječne plaće Kantona“.

(2) U tački b) riječi „50,00 KM“ zamjenjuje se riječima „10% od prosječne plaće Kantona“.

Član 16.

U članu 35. u stavu (2) riječi „300,00 KM“ zamjenjuje se riječima „400,00 KM“.

Član 17.

U članu 43. u stavu (1) iza riječi „usvojitelji“ briše se zarez i riječ „staratelj“.

Član 18.

(1) U članu 54. u stavu (1) iza riječi „usvojitelj“ briše se zarez i riječ „staratelj“.

(2) U stavu (2) iza riječi „usvojitelji“ briše se zarez i riječ „staratelj“, a ispred riječi „zakonu“ dodaje se riječ „Porodičnom“.

Član 19.

U članu 56. u stavu (1) tačka na kraju stava zamjenjuje se zarezom i dodaje tekst koji glasi:

„a snošenje troškova smještaja za lica čiji ukupan prihod domaćinstva ne prelazi iznos minimalne penzije u Federaciji BiH utvrđuje se u visini 50% od pripadajućeg dijela prihoda lica koje se smješta.“

Član 20.

U članu 60. iza stava (2) dodaju se novi stavovi (3) i (4) koji glase:

„(3) U slučaju smrti lica iz stava (1) ovog člana, prvostepeni organ od prodane imovine može raspolagati sa 2/3 sredstava u svrhu razvoja socijalne zaštite, dok je 1/3 sredstava prvostepeni organ dužan uplatiti u Budžet Kantona.“

(4) Sredstva iz stava (3) ovog člana uplaćena u Budžet Kantona koristit će se za troškove smještaja u ustanove socijalne zaštite.“

Član 21.

(1) U članu 69. u stavu (1) riječi „odgovarajuće nevladine organizacije“ zamjenjuju se riječima „udruženja, pravnih i fizičkih lica“ a riječ „ispunjava“ zamjenjuje se rječju „ispunjavaju“.

(2) Stav (2) mijenja se i glasi:

„(2) Sa odgovarajućim udruženjem, pravnim i fizičkim

licem koja neposredno pružaju usluge kućne njege i pomoći u kući, imaju iskustvo, posjeduju materijalne i kadrovske kapacitete, općinski prvostepeni organ zaključuje ugovor kojim se preciziraju obim usluga, visina naknada i druga prava i obaveze.“

Član 22.

U članu 73. u stavu (5) u tački b), dodaje se nova alineja 4) koja glasi:

„4) za djecu sa društveno negativnim ponašanjem,“

Član 23.

(1) Naziv Odjeljka C. u Poglavlju III., iznad člana 86. mijenja se i glasi:

„*Odjeljak C. Ustanova za djecu sa posebnim potrebama i djecu sa društveno negativnim ponašanjem*“.

(2) U članu 86. na početku teksta dodaje se oznaka „(1)“.

(3) Iza stava (1) dodaju se novi stavovi (2) i (3), koji glase:

„(2) Prihvatna stanica za djecu sa društveno negativnim ponašanjem vrši prihvati i kratkotrajni smještaj djece koja se odaju skitnji, prosjačenju i drugim oblicima društveno negativnog ponašanja, kojima obezbjeđuje potreban kratkotrajni smještaj, ishranu, primjenu zdravstveno-higijenskih mjera i nadzor za vrijeme dok se ne utvrdi mogućnost za njihovo vraćanje roditeljima, usvojitelju, hranitelju, staratelju ili u ustanovu.“

(3) Dnevni centar za djecu sa društveno negativnim ponašanjem obezbjeđuje djeci usluge boravka za poludnevni boravak u trajanju do 8 sati dnevno, a za cjelodnevni boravak do 12 sati dnevno. Za vrijeme boravka obezbjeđuju se usluge: prehrane, održavanja lične higijene, brige o zdravlju, čuvanje, odgoj, provođenje slobodnih aktivnosti, igara sa djecom, a za školsku djecu pomoć u učenju i vođenje brige o školskim i vanškolskim aktivnostima i drugo.“

Član 24.

U članu 87., prva riječ „Ustanova“ zamjenjuje se rječju „Ustanove“, te riječ „može“ zamjenjuje se rječju „mogu“.

Član 25.

Član 99. mijenja se i glasi:

„(1) Osnovica za obračun novčanih primanja za lica iz člana 56. Federalnog zakona iznosi 70% od osnovice utvrđene u skladu s federalnim propisima o pravima branitelja i članova njihovih porodica, a lična invalidnina utvrđuje se u mjesečnom iznosu prema grupi oštećenja organizma u procentima, kako slijedi:

Član 81.

- (1) Centar se osniva za područje općine, a može se osnovati za područje dvije ili više općina.
- (2) Centar za područje općine osniva općina, a Centar za dvije ili više općina osnivaju zajedno općine koje osnivaju centar.
- (3) Centar osnovan za područje dvije ili više općina, može organizovati rad po organizacionim jedinicama u svakoj općini za koju je isti osnovan.

Član 82.

Centar može da obavlja i djelatnost disciplinskog centra za vaspitno zapuštenu djecu, prihvatne stanice za djecu, dijagnostičko-opservacionog centra za vaspitno zanemarenu i zapuštenu djecu, prihvatilišta za odrasla lica, Centra za pružanje njege i pomoći u kući i druge djelatnosti, ukoliko na području za koje je Centar osnovan, ne postoji Ustanova za obavljanje tih djelatnosti.

Odjeljak B. Ustanove za djecu bez roditeljskog staranja, odgojno zanemarenu i djecu čiji je razvoj ometen porodičnim prilikama**Član 83.**

- (1) Ustanova za djecu bez roditeljskog staranja, odgojno zanemarenu i djecu čiji je razvoj ometen porodičnim prilikama (u daljem tekstu: Ustanova za djecu) pruža usluge socijalnog zbrinjavanja, odgoja, obrazovanja, zdravstvene zaštite djece bez roditeljskog staranja, djece čiji je razvoj ometen porodičnim prilikama i odgojno zanemarene djece (u daljem tekstu: šticeenici).
- (2) Ustanova za djecu prima na smještaj i zaštitu šticeenike iz stava (1) ovog člana do 18 godina, izuzetno iznad 18, a najduže do navršjenja 27 godina života, ukoliko je potrebno šticeeniku obezbijediti završetak školovanja, srednjeg i fakultetskog obrazovanja, a na prijedlog općinskog prvostepenog organa.
- (3) Ustanova za djecu je dužna pružiti organizovanu i individualnu stručnu pomoć za uspješno savlađivanje programa odgoja i obrazovanja šticeenika.

Član 84.

- (1) U okviru svoga rada Ustanova za djecu može, uz prethodnu saglasnost Ministarstva, organizovati prihvatilište za samohrane nezaposlene trudnice i samohrane nezaposlene majke, ukoliko nema sredstava za izdržavanje ili kojoj je, usljed neriješenog stambenog pitanja ili poremećenih porodičnih odnosa potreban privremeni smještaj, sa djetetom do 12 mjeseci starosti.
- (2) Ustanova za djecu, uz prethodnu saglasnost Ministar-

stva, može organizovati i dnevni boravak djece sa i bez posebnih potreba, u skladu sa osnivačkim aktima Ustanove za djecu.

- (3) Prihvat samohranih nezaposlenih trudnica i samohranih nezaposlenih majki sa djetetom do 12 mjeseci starosti, odnosno dnevni boravak djece sa i bez posebnih potreba, vrši se na prijedlog općinskog prvostepenog organa, a uz prethodnu saglasnost Ministarstva.

Član 85.

Ustanova za djecu može, uz prethodnu saglasnost osnivača i Ministarstva, da dopuni svoju djelatnost proširenjem pružanja svojih usluga socijalnog karaktera.

Odjeljak C. Ustanova za djecu sa posebnim potrebama**Član 86.**

Ustanova za djecu sa posebnim potrebama pruža usluge od ukupnog značaja za dnevni boravak i zbrinjavanje djece sa posebnim potrebama, u smislu podsticaja socijalizacije, samozastupanja, zadovoljavanja osnovnih životnih potreba za druženjem, usmjeravanja pomoći djece jednih prema drugima, te posvećuje pažnju u radu sa roditeljima.

Član 87.

Ustanova za djecu iz člana 86. ovog zakona može se organizovati kao samostalna ustanova ili organizaciona jedinica u okviru ustanova socijalne zaštite i obrazovnih javnih ustanova.

Odjeljak D. Ustanova za odrasla i stara lica**Član 88.**

Ustanova za zaštitu odraslih i starih lica (u daljem tekstu: Ustanova za stara lica) pruža usluge socijalnog zbrinjavanja, odnosno organizovanog smještaja, prehrane, socijalnog rada, zdravstvene zaštite, pomoći i njege, odmora i rekreacije odraslih i starih lica, a kojima je potrebna stalna briga i pomoć u zadovoljavanju njihovih životnih potreba, a ne mogu ih ostvariti u vlastitoj ili drugoj porodici, odnosno na drugi način.

Član 89.

U okviru svoga rada Ustanova za stara lica može uz prethodnu saglasnost Ministarstva organizovati i dnevni boravak starih i odraslih lica, službu kućne njege i pomoći u kući, savjetovalište za stara lica i prihvatilište za odrasla i stara lica u skladu sa osnivačkim aktima Ustanove za stara lica.

**DIO ŠESTI – FINANSIRANJE SOCIJALNE ZAŠTITE,
ZAŠTITE CIVILNIH ŽRTAVA RATA I
ZAŠTITE PORODICE SA DJECOM**

Član 150.

- (1) Sredstva finansiranja socijalne zaštite, zaštite civilnih žrtava rata i zaštite porodice sa djecom osiguravaju se u skladu sa ovim i Federalnim zakonom iz:
- budžeta Kantona;
 - budžeta općine;
 - ulaganja osnivača;
 - privrednih i uslužnih djelatnosti ustanova;
 - ličnog učešća korisnika;
 - legata, poklona i zavještanja;
 - drugih izvora.
- (2) Zavisno od mogućnosti Kantona i općina Kantona, priliva sredstava u budžet Kantona i budžeta općina Kantona i ukupnih potreba za finansiranjem socijalne zaštite, zaštite civilnih žrtava rata i zaštite porodice sa djecom propisom Kantona mogu se propisati i novi izvori finansiranja oblasti iz stava (1) ovog člana.

Član 151.

- (1) Iz kantonalnog budžeta finansiraju se oblici socijalne zaštite, zaštite civilnih žrtava rata i zaštite porodice sa djecom i to:
- stalna novčana pomoć u obimu od 60 % potrebnih sredstava;
 - novčana naknada za pomoć i njegu od strane drugog lica;
 - osposobljavanje za život i rad;
 - smještaj u drugu porodicu;
 - smještaj u ustanove socijalne zaštite;
 - prava civilnih žrtava rata u obimu utvrđenom Federalnim zakonom;
 - Dodatak na djecu;
 - naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta;
 - novčana pomoć za vrijeme trudnoće i porođaja žene-majke koja nije u radnom odnosu;
 - jednokratna pomoć za opremu novorođenog djeteta;
 - pomoć u prehrani djeteta do 6 mjeseci i dodatna ishrana za majke dojilje;
 - školarine i stipendije đacima i studentima;
 - zdravstvena zaštita korisnika socijalne zaštite.
- (2) U skladu sa svojim mogućnostima Kanton će finansirati ostale dodatne potrebe i intervencije socijalno-zaštitnog karaktera.
- (3) Iz budžeta Kantona finansiraju se ustanove i institucije koje osniva Kanton u funkciji obavljanja djelatnosti iz okvira ovog zakona.

- (4) U skladu sa svojim mogućnostima, Kanton će podsticati rad kantonalnih Udruženja, drugih srodnih udruženja i organizacija socijalnog karaktera.

Član 152.

- (1) Iz općinskog budžeta finansirat će se:
- stalna novčana pomoć u obimu od 40 % potrebnih sredstava,
 - druge materijalne pomoći iz člana 33. ovog zakona;
 - usluge socijalnog i drugog stručnog rada;
 - kućna njega i pomoć u kući;
 - posebni psihosocijalni tretman bračnih drugova koji žele djecu i trudnica;
 - smještaj djece uz osiguranu ishranu u ustanovama predškolskog odgoja;
 - osiguranje jednog obroka u vrijeme nastave u školama osnovnog obrazovanja;
 - i druga prava iz socijalne zaštite, koja svojim propisima utvrđuju, odnosno planiraju općine.
- (2) Iz budžeta općine finansiraju se Ustanove, čiji je osnivač općina.
- (3) U skladu sa svojim mogućnostima općina će podsticati rad općinskih Udruženja, drugih srodnih udruženja i organizacija socijalnog karaktera.

Član 153.

- (1) Troškove postupka za ostvarivanje prava iz oblasti socijalne zaštite, osim prava iz člana 20. tačka b) ovog zakona, snosi organ koji vodi postupak.
- (2) U slučaju utvrđivanja potrebe za pomoći i njegom od strane drugog lica u prvostepenom i drugostepenom postupku, u dijelu koji se odnosi na troškove pribavljanja nalaza, ocjene i mišljenja iz člana 30. stav (3) ovog zakona, snosi organ koji provodi postupak u iznosu od 70% i podnosilac zahtjeva u iznosu od 30% tih troškova.

**DIO SEDMI – NADZOR NAD PROVOĐENJEM
OVOG ZAKONA I NAD RADOM
USTANOVA**

Član 154.

Ministarstvo vrši nadzor nad provođenjem ovog zakona, drugih propisa i općih akata donesenih u skladu sa ovim zakonom, kao i nadzor nad stručnim radom Ustanova koje osniva Kanton, odnosno općina, izdaje instrukcije i vrši upravni nadzor i kontrolu namjenskog trošenja sredstava namijenjenih za ostvarivanje prava po ovom zakonu, a koja se obezbjeđuju iz kantonalnog budžeta (u daljem tekstu: nadzor).



Broj: 01-02-13407/21
Zenica, 05.10.2021. godine

06-10-2021

02-1
Jepg

02-2 h/h

ZENIČKO-DOBOJSKI KANTON
VLADA KANTONA

PREDMET: Inicijativa Smajić Himze, poslanika u Skupštini Zeničko-dobojskog kantona, za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom - dostavlja se

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), dostavljamo Vam na mišljenje Inicijativu Smajić Himze, poslanika u Skupštini Zeničko-dobojskog kantona, za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice s djecom („Službene novine Zeničko-dobojskog kantona“, broj: 13/07, 13/11, 3/15 i 2/16) sa predloženim izmjenama i dopunama, koju je imenovani pokrenuo na 38. sjednici Skupštine Zeničko-dobojskog kantona održanoj dana 29.09.2021. godine, u okviru predtačke dnevnog reda: „Postavljanje poslaničkih pitanja i pokretanje inicijativa“.

Naime, odredbom člana 111. Poslovnika Skupštine Zeničko-dobojskog kantona, propisano je sljedeće: „Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja“.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana, shodno odredbi člana 112. stav 2. Poslovnika Skupštine Zeničko-dobojskog kantona, dostavite mišljenje povodom navedene inicijative, kako bi se se po istoj mogla nastaviti provoditi odgovarajuća propisana procedura.

S poštovanjem,


PRILOZI: - Izvod iz transkripta sa 38. sjednice Skupštine Zeničko-dobojskog kantona od 29.09.2021. godine, u kojem je sadržana poslanička inicijativa poslanika Smajić Himze,

- Inicijativa poslanika Skupštine Smajić Himze u pismenom obliku, (sa predloženim izmjenama i dopunama)

DOSTAVLJENO:

- 1 x Naslovu,
- 1 x Svim članovima Zakonodavno-pravne komisije/04-03,
- 1 x Svim poslanicima Skupštine/(skenirano na e-mal adrese)/05-03
- 1 x Ministarstvu za rad, socijalnu politiku i izbjeglice Ze-do kantona, *n/r ministrice,*
- 1 x U spis predmeta/05-02 „R“

SEKRETAR
Ibrahim Avdagić



**IZVOD IZ TRANSKRIPTA SA 38. SJEDNICE SKUPŠTINE ODRŽANE 29.09.2021. GODINE
U KOJEM JE SADRŽANA POSLANIČKA INICIJATIVA POSLANIKA SKUPŠTINE SMAJIĆ
HIMZE**

Hvala predsjedavajući, pozdravljam sve prisutne. Ja ću danas u ime Kluba zastupnika SDA u Skupštini Zeničko-dobojskog kantona podnijeti Inicijativu za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

U obrazloženju inicijative koju ću predati navodi se znači, da se konkret... konkretno je sam naziv Javne ustanove Centra za djecu i odrasle osobe Zeničko-dobojskog kantona pored ostalog razlog donošenja je potreba sistemskog rješavanja finansiranja rada ustanove zbog dosadašnjeg otvorenog finansijskog poslovanja i troškova održavanja objekata, troškovi uposlenika i drugi troškovi iziskuju veća finansijska izdvajanja u odnosu na trenutna. Ogroman problem za poslovanje ustanove predstavlja i neostvarivanje saradnje sa gradom Zenica i još nekim lokalnim zajednicama.

HIMZO SMAJLO, zastupnik Skupštine Zeničko-dobojskog kantona
Zenica, dana 29.9 2021. godine

ZENIČKO-DOBOJSKI KANTON
SKUPŠTINA
n/r predsjedavajućeg

PREDMET: Inicijativa za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom – dostavlja se

Na osnovu člana 111. Poslovnika Skupštine Zeničko-dobojskog kantona -Treći Prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), podnosim Inicijativu za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, kojom predlažem izmjene i dopune navedenog Zakona, u slijedećem tekstu:

U Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 03/15 i 02/16) naziv Odjeljka C. u Poglavlju III., iznad člana 86. mijenja se i glasi:

„Odjeljak C. Centar za djecu i odrasle osobe s posebnim potrebama“

Član 86. mijenja se i glasi:

„Član 86.

- (1) Centar za djecu i odrasle osobe s posebnim potrebama, (u daljem tekstu: Centar), je javna ustanova.
- (2) Centar kao javnu ustanovu na koju se prenose javna ovlaštenja, u skladu sa Zakonom o ustanovama i ovim Zakonom, osniva Zeničko-dobojski kanton.
- (3) Centar je dužan svojim aktom utvrditi organizaciju, sistematizaciju rada, način prijema i otpusta korisnika, kao i normative stručnog kadra u odnosu na broj korisnika i druga pitanja organizovanja rada u skladu sa Zakonom o ustanovama i ovim zakonom.
- (4) U Centru mogu se, uz prethodnu saglasnost Osnivača, kao organizaciona jedinica ili poslovna jedinica osnovati:
 - Centar za rano podsticanje razvoja i ranu intervenciju;
 - Dnevni centar za djecu i odrasle osobe s posebnim potrebama;
- (5) Troškovi rada Centra osiguravaju se iz Budžeta Zeničko-dobojskog kantona na poziciji Ministarstva za rad, socijalnu politiku i izbjeglice predviđenoj za tu namjenu, budžeta općina/gradova sa područja Zeničko-dobojskog kantona i dodatno iz donacija, legata, poklona kao i drugih izvora prihoda u skladu sa propisima.
- (6) Način primarnog finansiranja rada Centra određuje se u omjeru 70 % od strane Zeničko-dobojskog kantona, a 30 % od strane svih općina/gradova sa područja Zeničko-dobojskog kantona.
- (7) Vlada Zeničko-dobojskog kantona će, u roku od 90 dana od dana stupanja na snagu ovog zakona, donijeti poseban propis u kojem će se odrediti najniži udio finansiranja Zeničko-dobojskog kantona i općina/gradova za rad Centra.
- (8) Tačan iznos sufinansiranja općina/gradova sa područja Zeničko-dobojskog kantona određivat će se na kraju svake tekuće godine za narednu godinu, i to u odnosu na broj stanovnika općine/grada prema posljednjim objavljenim podacima popisa stanovništva.
- (9) Centar će na početku svake godine potpisivati ugovore o finansiranju sa Vladom Zeničko-dobojskog kantona i općinama/gradovima sa područja Zeničko-dobojskog kantona.
- (10) Centar je u obavezi u prvom kvartalu tekuće godine podnijeti izvještaj o poslovanju za prethodnu godinu Vladi Zeničko-dobojskog kantona i općinama/gradovima sa područja Zeničko-dobojskog kantona.“

U članu 152. u stavu (1), iza riječi „općinskog“ dodaju se riječi „odnosno gradskog“

U članu 152. u stavu (2), iza riječi „općine“ dodaju se riječi „odnosno grada“, a iza riječi „općina“ dodaju se riječi „odnosno grad“

U članu 152. u stavu (3), iza riječi „općina“ dodaju se riječi „odnosno grad“, a iza riječi „općinskih“ dodaju se riječi „odnosno gradskih“

U članu 152. iza stava (3) dodaje se novi stav (4), koji glasi:

„ (4) Iz budžeta općina i gradova sa područja Zeničko-dobojskog kantona sufinansirat će se troškovi Centra za djecu i odrasle osobe s posebnim potrebama i to u skladu sa okvirnim ciframa koje svojim posebnim propisom odredi Vlada Zeničko-dobojskog kantona, s tim da udio sufinansiranja općina i gradova ne može prelaziti 1/3 ukupnih troškova za sve općine/gradove sa područja Zeničko-dobojskog kantona.“

OBRAZLOŽENJE za podnesenu Inicijativu

Kao obrazloženje za podnesenu Inicijativu navodim slijedeće razloge:

Razlog izmjene Odjeljka C u Poglavlju III jeste konkretizovanje samog naziva JU Centar za djecu i odrasle osobe s posebnim potrebama ZDK kroz Zakon, s obzirom na činjenicu da trenutno važeći naziv Odjeljka C. u Poglavlju III glasi: "Ustanova za djecu sa posebnim potrebama i djecu sa društveno negativnim ponašanjem" je u suprotnosti sa djelatnošću rada Ustanove. U nazivu stoji ustanova za djecu s posebnim potrebama i djecu sa društveno negativnim ponašanjem. Ovakvim nazivom moglo bi se podvesti da se navedena Ustanova bavi i sa djecom sa društveno negativnim ponašanjem, što nije tačno. JU Centar za djecu i odrasle osobe s posebnim potrebama ZDK i u polju brige za osobe s posebnim potrebama ima šire polje djelovanje, jer pruža usluge i za odrasle osobe s posebnim potrebama pored djece sa posebnim potrebama, pa se iz tih razloga treba izmijeniti sam naziv Odjeljka C.

Pored navedenog razlog donošenja navedenog Zakona je potreba sistemskog rješavanja finansiranja rada ustanove zbog dosadašnjeg otežanog finansijskog poslovanja jer troškovi održavanja objekata, troškovi uposlenika i drugi troškovi iziskuju veća finansijska izdvajanja u odnosu na trenutna. Ogroman problem za poslovanje Ustanove predstavlja i neostvorena saradnja sa Gradom Zenica i djelimična saradnja sa Gradom Visoko, kao jedinicama lokalne samouprave, koje bi po principu solidarnosti i po broju korisnika trebala izdvajati najveća finansijska sredstva. Grad Zenica od 2016.godine ne uzima učešće u finansiranju, a Grad Visoko Ustanovu finansira periodično i gotovo zanemarivo. Imajući u vidu da u okviru ustanove posluje više organizacionih jedinica na području više općina i gradova, (Dnevni centar za djecu i odrasle osobe s posebnim potrebama Visoko, Poslovna jedinica Dnevni centar za djecu i odrasle osobe s posebnim potrebama Tešanj, Poslovna jedinica Dnevni centar za djecu i odrasle osobe s posebnim potrebama Žepče/Maglaj i istureno odjeljenje Dnevni centar Zenica pri Poslovnoj jedinici Visoko), te da ustanova pruža svoje usluge korisnicima sa cijelog područja Zeničko-dobojskog kantona, bilo bi logično i pravedno da u sufinansiranju rada ustanove učestvuju i sve općine i gradovi sa cijelog područja Zeničko-dobojskog kantona. Posebno treba imati u vidu značaj i važnost da se svim postojećim i budućim korisnicima usluga ustanove, (koji spadaju u veoma „osjetljivu“ kategoriju građana), obezbijedi nesmetano i redovno pružanje usluga, shodno njihovim potrebama. Naime, korisnici usluga Ustanove su: - djeca preškolskog uzrasta sa jasno izraženom ometenošću ili rizikom od nastajanja ometenosti kojoj roditelji ili drugi ovlašteni skrbnici ne mogu pružiti odgovarajući psihički ili fizički podsticaj, zbog čega im je neophodna adekvatna intenzivna terapijska i edukacijsko-rehabilitacijska pratnja,

- djeca školskog uzrasta s posebnim potrebama sa područja Zeničko-dobojskog kantona koja se ne mogu uključiti u redovan obrazovni proces zbog svojih posebnih potreba,
- djeca koja pohađaju redovni obrazovni proces, a imaju potrebe za uslugama Ustanove, shodno kadrovskim, materijalnim i tehničkim mogućnostima,
- odrasle osobe s posebnim potrebama, koje su uključene u radno-okupacionu terapiju u Ustanovi.

Korisnici usluga Ustanove su osobe oštećenoga vida, oštećenoga sluha, s poremećajima govorno-glasovne komunikacije, s poremećajima u ponašanju, s motoričkim oštećenjima, sa smanjenim intelektualnim sposobnostima, PSA/ Poremećaj autističnog spektra, s višestrukim teškoćama u razvoju, te pridružene zdravstvene teškoće. Korisnici usluga Odjeljenja za rano podsticanje razvoja i ranu intervenciju su sva djeca od rođenja do polaska u školu sa jasno izraženim poteškoćama, ometenošću ili

rizikom od nastajanja ometenosti kojoj roditelji ili drugi ovlašteni staratelji ne mogu pružiti odgovarajući psihički i fizički podsticaj. Korisnici usluga dnevnog centra su djeca, mladi i odrasle osobe sa posebnim potrebama čije posebne potrebe proizilaze iz teškoća.

Dakle, iako je osnivač ustanove Zeničko-dobojski kanton, iz gore navedenih razloga bi bilo neophodno da u sufinansiranju rada ustanove učestvuju i sve općine i gradovi sa cijelog područja Zeničko-dobojskog kantona, što je i u njihovom interesu, imajući u vidu prebivališta korisnika usluga ustanove, koji žive na području raznih općina odnosno gradova u Zeničko-dobojskom kantonu, te bi na taj način općine/gradovi ustvari pomagali svojim građanima da dobiju adekvatnu uslugu od strane Centra.

S poštovanjem,

PRILOZI:

- Zakon o socijalnoj zaštiti, zaštiti civilnih žrtava rata i zaštiti porodice sa djecom («Službene novine Zeničko-dobojskog kantona», broj: 13/07)
- Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom («Službene novine Zeničko-dobojskog kantona», broj: 13/11)
- Zakon o izmjenama i dopuni Zakona o socijalnoj zaštiti, zaštiti civilnih žrtava rata i zaštiti porodice sa djecom («Službene novine Zeničko-dobojskog kantona», broj: 3/15)
- Zakon o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom («Službene novine Zeničko-dobojskog kantona», broj: 2/16)

**PODNOŠILAC INICIJATIVE:
ZASTUPNIK SKUPŠTINE ZDK**

